

# VERBA DO HEROI

(Anaco do poema iñédito "Xuntanza")



Seguidamente, dijo Pardo de Cela:  
*"Eeu quixen a Galicia con libertade  
e, por ela loitaba, contra Sabela  
que domear quería na nosa herdade  
pra facernos tescravos da sua Castela".  
"El quixen a Galicia con libertade  
e, por ela loitaba, contra Sabela".*

*"Namentras tiven folgos non vivin quedo,  
decote me mantiven na rexia loita;  
d-estraños invasores non tiven medo,  
mais, logo, por treidores, tiven a coita  
de que m-asesiñan en Mondañedo".  
"D-aqueles invasores non tiven medo,  
decote me mantiven na rexia loita".*

*"As miñas armas foron sempre temidas  
o pendón de Galicia mantín ergueito;  
pol-as hostes galegas, sempre vencidas  
as hostes de Castela foron a eito  
e de diant-á Frouseira vin-as fuxidas".  
"As miñas armas foron sempre temidas,  
eu defendín a patria i-ó noso dereito".*

*"Soupén ser un galego de xerarquia  
i-ainda, sendo ponla do feudalismo,  
a concencia galega qu-en mí vivia  
faciame nemigo do imperialismo  
qu-en Galicia Castela sentar quería".  
"Soupén ser un galego de xerarquia  
ainda sendo broto do feudalismo".*

*"De señor e galego meu don conservo;  
se xa cheguei á vida con sino d-amo  
non debia, por certo, facerme servo  
nin de reises foráneos ouvir reclamo  
que fose pra desmedro do noso acervo".  
"Non debia, por certo, facerme servo  
nin de reises foráneos ouvir reclamo".*

*"Porque tiña cobdicia da miña herencia  
tamén a Irexia tivo sua militancia;  
(a Irexia non ten patria nin ten concencia)  
e, com-aquel Mudarra que veu de Francia,  
tamén foi enemiga da independencia".  
"Contra Galicia tivo sua militancia  
pra poder adonarse da miña herencia".*

*"D-entón somos escravos d-aquela Hespaña  
que nos quer tan somentes por egoísmo  
e nos leva por forcia na sua compaña:  
¡Hay que crebar os fios da tea d-araña  
facendo porveitoso redentorismo!"  
"¡Non convén ós galegos ir con Hespaña  
namentras que nos queira por egoísmo!"*

*"Sabela foi xestora do imperialismo,  
Castela coutadora das libertades,  
i-ó mesmo que n-aquelas, n-estas edades  
nós somos os escravos do centralismo  
que nos dona somentes calamidades".  
"¡Castela, coutadora das libertades,  
nosas ansias afoga co despotismo!".*

*"¡Non acougedes nunca, na loita ou xeira,  
en tanto non logredes ver convertido  
cada folar galego n-unha Frouseira  
na que noso nemigo sexa vencido,  
na que framée ó vento nosa bandeira!".  
"¡Cada fogar galego n-unha Frouseira  
debe, pol-os galegos, ser convertido!".*

*"Sei que nos vosos peitos rexo latexa,  
cal no meu latexaba, na miña edade,  
un desejo de loita. ¡Feros loitade  
pra qu-esa nosa patria ceibe se vexa,  
pra que teña Galicia sua libertade!".  
"Pra que o povo galego ceibe se vexa  
en santa i-amorosa fraternidade...!".*

*(O calar Pedro Pardo, berrou rexo un irmán:  
"¡Despera do teu sono, fogar de Breogán!"*